

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA CIVILNE ZAŠTITE  
Broj: 07-04-4829/20  
Lukavac, 19.10.2020. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 07-04-4829/20 od 16.10.2020. godine u otvorenom postupku javne nabavke radio komunikacijske opreme za potrebe civilne zaštite općine Lukavac, Pomoćnik općinskog načelnika za Službu civilne zaštite d o n o s i

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 07-04-4829/20 od 16.10.2020. godine, te se Ugovor za javnu nabavku radio komunikacijske opreme i sredstava za potrebe civilne zaštite općine Lukavac dodjeljuje ponuđaču „MIBO Komunikacije“ d.o.o Sarajevo, koji je dostavio ponudu broj: PON-1457/20 od 13.10.2020. godine, za ponuđenu cijenu u vrijednosti od 95.350,00 KM bez PDV-a kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 07-02-4787/20 od 11.09.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 95.545,00 KM.

Obavještenje o nabavci broj: 719-1-1-56-3-89/20 objavljeno je na Portalu javnih nabavki dana 15.09.2020. godine i ispravka obavještenja broj: 719-1-1-56-8-91/20 objavljena na Portalu javnih nabavki dana 23.09.2020. godine..

Komisija za provođenje postupka nabavke imenovana Rješenjem broj: 02-04-19-35/20 od 23.09.2020. godine dostavila je Zapisnik o pregledu i ocjeni ponuda broj: 07-04-4829/20 od 16.10.2020. godine, Preporuku o izboru najpovoljnijeg ponuđača broj: 07-04-4829/20 od 16.10.2020. godine i Izvještaj o radu broj: 07-04-4829/20 od 16.10.2020. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna blagovremena ponuda, a da neblagovremenih ponuda nije bilo;

- da je ponuda ponuđača „MIBO Komunikacije“ d.o.o Sarajevo kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 95.545,00 KM i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %
- b) Rok plaćanja ..... 2 %

Ponuđač „MIBO Komunikacije“ d.o.o Sarajevo, dostavio je prihvatljivu ponudu sa cijenom u iznosu od 95.350,00 KM bez PDV-a i rokom plaćanja 30 dana, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba civilne zaštite, Trg Slobode broj 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

- 1. „MIBO Komunikacije“ d.o.o Sarajevo,
- 2. Arhiva.-

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA

(ovlaštenje broj: 02-30-2884/20 od 02.06.2020.)

Edin Hamzić, dipl. ing.

